



XUNTA DE GALICIA

CONSELLERÍA DO MEDIO RURAL

Dirección Xeral de Gandería, Agricultura
e Industrias Agroalimentarias

Edificio Administrativo San Caetano
15781 Santiago de Compostela
<http://mediorural.xunta.es>



PROGRAMA DE CONTROL DO SISTEMA DE IDENTIFICACIÓN E REXISTRO DO GANDO PORCINO GALICIA 2020

CÓDIGO:	DATA EDICIÓN:	NÚM. REVISIÓN:	RESPONSABLE:
PD-SAN-IDENT-PORC-01	20/04/2020	0	Servizo de Sanidade Animal



Xacobeo 2021



PROGRAMA DE CONTROL DE IDENTIFICACIÓN E REXISTRO DO GANDO PORCINO - GALICIA 2020

1. INTRODUCCIÓN

O Ministerio de Agricultura, Pesca y Alimentación (MAPA) iniciou a finais do ano 2013 un **PROGRAMA DE CONTROL DE IDENTIFICACIÓN E REXISTRO DE GANDO PORCINO** a executar polas autoridades competentes das Comunidades Autónomas en todo o Estado.

Os programas de control oficial da trazabilidade, ao que pertencen os distintos programas de control de identificación e rexistro nas distintas especies, no ano 2016 deixaron de ser programas específicos dentro do Programa Nacional de Control Oficial da Cadea Alimentaria (PNCOCA), pasando a considerarse uns elementos máis dentro do Programa de Control da Hixiene da Producción Primaria nas explotacións integrado no PNCOCA. Porén, dada a importancia do sector porcino e en vistas a ofrecer unhas garantías adicionais ao comercio, continuarase a realizar o programa en porcino como se realizou en anos anteriores.

O presente documento establece as directrices básicas que deben aplicarse na realización dos controis en materia de identificación e rexistro que se efectúen no gando porcino en 2020.

2. BASE LEGAL

- **Real Decreto 205/1996**, de 9 de febreiro, polo que se establece un sistema de identificación e rexistro dos animais das especies bovina, porcina e caprina, na súa última redacción dada polo Real Decreto 685/2013, de 16 de setembro, polo que se establece un sistema de identificación e rexistro dos animais das especies ovina e cabrúa.
- **Real Decreto 306/2020, de 11 de febreiro, polo que se establecen normas básicas de ordenación das granxas porcinas intensivas, e se modifica a normativa básica de ordenación das explotacións de gando porcino extensivo.**
- **Real Decreto 1221/2009**, de 17 de xuño, polo que se establecen normas básicas de ordenación das explotacións de gando porcino extensivo.
- **Decreto 223/2011**, do 17 de novembro, polo que se desenvolven as normas básicas de ordenación das explotacións porcinas extensivas e se crea o Rexistro Galego de Explotacións Porcinas Extensivas na Comunidade Autónoma de Galicia.
- **Directiva 2008/71/CE** do Consello de 15 de xullo de 2008, relativa á identificación e rexistro dos porcos.





- **Regulamento (CE) nº 178/2002** do Parlamento Europeo e do Consello, de 28 de xaneiro de 2002, polo que se establecen os principios e os requisitos xerais da lexislación alimentaria, crease a Autoridade Europea de Seguridade Alimentaria e se fixan procedementos relativos á seguridade alimentaria.
- **Regulamento (CE) nº 852/2004** do Parlamento Europeo e do Consello, de 29 de abril de 2004, relativo á hixiene dos produtos alimenticios.

En materia de identificación porcina a normativa de directa aplicación, o **Real Decreto 205/1996** establece o seguinte:

Artigo 7 Identificación dos animais da especie porcina

*Todos os animais da especie porcina deberán ser marcados o antes posible e, en calquera caso, antes de saír da explotación cunha marca, consistente nun **crotal auricular** ou unha **tatuaxe** segundo o que estableza a autoridade competente, de similares características ás descritas no anexo V. A dita marca **determinará a explotación da que proceden os animais** e conterá a estrutura establecida no [artigo 5 do Real Decreto 479/2004, de 26 de marzo](#), polo que se establece e regula o Rexistro xeral de explotacións gandeiras (REGA).*

Anexo V Descrición das marcas para o gando porcino

1. Para os animais de cebo no caso de que a marca auricular sexa mediante **crotal**, este será de **plástico e flexible ou de plástico e latón**, constará de dúas pezas ensambladas entre si mediante un vástago na peza macho ou unha terceira peza, quedando de tal maneira unidas que sexa imposible a súa separación. **As impresións gravadas de forma indeleble terán un tamaño mínimo de 4 x 3 milímetros e recollerán o código asignado á explotación.**

Cando a autoridade competente estime oportuno desenvolver accións sanitarias nas que sexa necesario identificar individualmente aos animais, a dita identificación farase de acordo ao establecido no apartado 2 deste anexo.

2. No caso de que a autoridade competente estableza a identificación dos animais reprodutores mediante un **crotal**, este será de **plástico flexible** e nel **poderá constar**, ademais do **código da explotación**, a **identificación individual** do animal. A dita identificación estará composta polo indicativo provincial mais catro números e dúas letras. **As impresións gravadas de forma indeleble terán un tamaño mínimo de 4 x 3 milímetros.**

3. Cando o marcado se realice mediante unha tatuaxe esta realizarase con **tinta indeleble** e será facilmente lexible ao longo de toda a vida do animal. Deberá recoller a





mesma información á que se fai referencia nos apartados 1 e 2 do presente anexo, debendo ter os caracteres unhas dimensións mínimas de 8 x 4 milímetros.

A efectos prácticos, a identificación porcina poderá polo tanto realizarse en calquera tipoloxía de animal (leitóns, porcinos de cebo ou animais reprodutores):

- Con **crotal auricular**, cunhas dimensións mínimas de caracteres de 4 x 3 mm.
- Con **tatuaxe con tinta indeleble**¹, cunhas dimensións mínimas de caracteres de 8 x 4 mm. Esta tatuaxe pode aplicarse en calquera parte do corpo, pero o habitual é a aplicación no lombo do animal (se identifican así sobre todo os animais de cebo, categoría animal á que principalmente vai dirixido este programa).

Nos dous casos, a estrutura do código de identificación corresponderá coa estrutura do código REGA (código de rexistro da explotación de procedencia) que **consta de 14 díxitos** segundo a seguinte estrutura:

ES + XX + YYY+ ZZZZZZ

Onde:

ES= España

XX= código INE da provincia (en Galicia 15/27/32/36, A

Coruña/Lugo/Ourense/Pontevedra)

YYY= código INE de concello, por exemplo 052 = Concello de Silleda (Pontevedra)

ZZZZZZ= sete díxitos que identifican á explotación dentro do concello

Notas importantes:

1.-: Considérase correcto que nas marcas con tatuaxe (non no caso dos crotais auriculares) se podan eliminar os "0" situados á esquerda no rango dos 7 díxitos ZZZZZZ que identifican a explotación dentro do concello.

Exemplo: ES360520006901, podería identificarse como ES360526901

2.-Así mesmo, considérase correcto que na tatuaxe, na zona dorso-lumbar, a codificación se presente nunha soa liña ou en dúas. No caso de utilizar a marcaxe en dúas, liñas aconséllase que na liña superior consten os díxitos ESXXYYY e na liña inferior os sete díxitos ZZZZZZ que corresponden á explotación dentro do concello (ou menos díxitos no caso de que se supriman os ceros accesorios situados a esquerda).

¹ Respecto ao tipo de tinta, tendo en conta que a mesma ou restos dela van permanecer no animal despois do seu sacrificio, é previsible que as autoridades de saúde pública esixan que sexa unha tinta autorizada para uso alimentario.





3.- É necesario deixar claro que o **“martelo punzonador”** habitualmente usado aplicado **sen tinta**, directamente na zona dorsal dos animais de cebo **non é un método adecuado** actualmente pois a identificación que provoca, por pequenas hemorraxias provocadas polas agullas do martelo, non posibilitan a identificación do animal en todo momento tras o marcado senón só despois de realizado o escaldado do animal no matadoiro. Ademais non é considerado unha tatuaxe en si, pois esta implica o emprego de tinta.

Si sería considerado un método acorde coa normativa vixente se ese mesmo martelo punzonador é utilizado impregnado en tinta antes da súa aplicación; estaríamos a falar entón, dun **“martelo tatuador” con tinta** que posibilita a lectura do código de identificación en todo momento tras a aplicación do mesmo.

4.- Ademais da marca coa identificación do código de explotación á que pertencen habitualmente por cuestións zootécnicas os animais reprodutores adoitan portar códigos de identificación individual, aínda que esta non está establecida en Galicia como obrigatoria. Polo tanto, **os animais reprodutores que se destinen a sacrificio en matadoiro, considéranse correctamente identificados, como calquera outro animal da especie porcina si presentan a identificación co código de explotación de procedencia segundo o indicado anteriormente**, tendo a codificación de identificación individual que puideran portar, carácter facultativo.

3. PAUTAS XERAIS DO PROGRAMA DE CONTROL EN GALICIA - 2020

O Programa de Control de Identificación e Rexistro en gando porcino en Galicia é deseñado e coordinado pola Consellería do Medio Rural (CMR) como departamento competente en materia de identificación e rexistro nas explotacións gandeiras e identificación animal. Na súa execución interveñen os Servizos Veterinarios Oficiais dependentes da CMR, así como os Servizos Veterinarios Oficiais dependentes da Consellería de Sanidade (CS) adscritos aos matadoiros galegos.

A súa duración esténdese desde o **01/01/2020 ata o 31/12/2020**.

Realizarase en dous ámbitos:

A/ CONTROIS ADMINISTRATIVOS: realizados polos Servizos Veterinarios Oficiais da CMR e baseados na comprobación da non existencia de incidencias nos rexistros informáticos oficiais, tanto da base de datos do Rexistro Oficial de Explotacións Gandeiras (REGA) como na base de datos de Rexistro Oficial de Movements de Gando (REMO).

Faranse comprobacións aleatorias de que todas as explotacións orixe de movementos se atopan en situación de alta rexistral e que os movementos de gando porcino quedan reflectidos nas citadas bases de datos e se producen as altas e baixas dos animais nas explotacións implicadas segundo os movementos realizados.





B/ CONTROIS IN SITU: o programa proposto polo MAPA a nivel estatal contempla a posibilidade de facer os controis na explotación gandeira, durante o transporte ou ben no matadoiro.

Porén, en gando porcino existen as seguintes particularidades:

- A normativa de aplicación permite a identificación dos animais no mesmo momento da carga na saída da explotación.
- As cargas de animais, especialmente de animais de cebo, que constitúen a inmensa maioría de movementos de animais a matadoiro, adoitan realizarse moi frecuentemente en horarios nocturnos ou ben de madrugada, co fin de que as partidas cheguen aos matadoiros de destino preferiblemente nas primeiras horas da mañá para o seu sacrificio nesa xornada.

Estas circunstancias fan que **os lugares de elección preferentes para a realización deste programa sexan os matadoiros de destino** onde, dentro dos controis de rutina de identificación das partidas que ingresan no matadoiro, se poden realizar con maior eficiencia os controis necesarios establecidos neste programa.

Independentemente dos controis realizados en matadoiro, a Subdirección Xeral de Gandaría poderá establecer controis accesorios tanto en explotacións gandeiras como durante o transporte a matadoiro. Especificamente, durante a vixencia deste programa de control, os aspectos de identificación en gando porcino serán tidos especialmente en conta durante a execución doutros plans de control anuais en materia de gandería, fundamentalmente no Programa de Control de Hixiene da Producción Primaria e no Programa de Control da Condicionalidade.

No caso de que no transcurso dos controis deste programa de identificación en matadoiro, se detectaran incumprimentos relacionados co requisito 57 da condicionalidade ("que os animais están identificados segundo establece a normativa"), no Servizo de Gandaría da provincia de pertenza da explotación afectada, recibirán desde o Servizo de Sanidade Animal unha copia da acta de control realizada no matadoiro, para que, seguindo as indicacións detalladas no punto 10 deste programa, se elabore, no prazo de 1 mes desde a data de realización do control, o correspondente "Informe sectorial de condicionalidade", segundo modelo do Anexo II.

4. OBXECTIVOS DE CONTROL

Fíxase, ao igual que no programa estatal, un obxectivo de control do **3% da cifra resultante de dividir entre 12 o total de movementos con destino a matadoiro** durante 2019 extraídos da aplicación REMO:

CCAA	MOVIMIENTOS A MATADERO EN 2019	3%	3%/12
Galicia	25.587	768	64





O Programa estatal contempla que no período entre 01/01/2020 a 31/12/2020 os controis asignados sexan seleccionados polas Comunidades Autónomas entre un 50-75% de xeito dirixido, segundo os criterios de risco establecidos neste programa, e entre 25-50% de xeito aleatorio.

Segundo este cálculo, Galicia ten asignados ao longo de 2020 un total de 64 controis, que se distribuirán da seguinte forma: 32 controis dirixidos e 32 aleatorios.

5. SELECCIÓN DA MOSTRA

5.1. SELECCIÓN DA MOSTRA DIRIXIDA:

Seleccionaranse mediante os seguintes criterios de risco:

A. Censo de animais en explotación

Considerado un tamaño medio “M” de animais por explotación en Galicia, asignarase a seguinte puntuación:

Tamaño explotación	Puntos
0	0
>0< M	1
> 1 M<=2 M	2
> 2 M	3

B. Clasificación zootécnica das explotacións de produción reprodución

Clasificación zootécnica da explotación	Puntos
Explotacións de cebo	3
Explotacións de produción ciclo cerrado	2
Explotacións de produción de tipo mixto	1
Outras clasificacións zootécnicas	0





C. Comunicación dos datos á autoridade competente.

Terase en conta neste criterio as comunicacións relativas á explotación que o gandeiro debe realizar de forma obrigatoria ás Autoridades Competentes segundo o Real Decreto 479/2004, de 26 de marzo, polo que se establece e regula o Rexistro Xeral de Explotacións Gandeiras (REGA)

Comunicación datos a A.C.	Puntos
Falta de comunicación de datos mínimos da explotación ou dos movementos	4
Falta de comunicación de censo anual nos dous anos anteriores	2
Sen irregularidades	0

D. Resultados dos controis anteriores

En función dos resultados nas explotacións controladas nos anos anteriores, a puntuación a asignar será a seguinte:

Resultados control ano anterior	Puntos
Irregularidades no control de identificación 2019 que supuxeran o inicio de expediente sancionador	4
Irregularidades no control de identificación 2019 que NON deran lugar a inicio de expediente sancionador	3
Explotacións de producción-reproducción nas que non realizara ningún control nos últimos dous anos	2
Resto de situacións: con algún control nos dous anos anteriores e sen irregularidades no control de identificación 2019	0

Para alcanzar o obxectivo de 32 mostras dirixidas, e dada a dificultade de predicir a data e matadoiro onde se realizará o sacrificio dos animais das explotacións seleccionadas, proporcionarase ao persoal da Consellería de Sanidade un listado de 50 mostras seleccionadas mediante os factores de risco indicados. Realizarán os **controis sobre calquera das 50 explotacións indicadas, ata alcanzar a cifra obxectivo de 32 controis.**

Como medida adicional, de cara a garantir o cumprimento do obxectivo xeral de control, no caso de que as explotacións seleccionadas na mostra de control dirixida non destinaran os seus animais a matadoiros galegos onde se realiza o control, o Servizo de Sanidade Animal revisará o grao de execución da mostra dirixida finalizado





o terceiro trimestre do ano, podendo indicar á Consellería de Sanidade, a substitución da fracción de mostra dirixida pendente por explotacións pertencentes á mostra aleatoria.

5.2. SELECCIÓN DA MOSTRA ALEATORIA:

Co fin de asegurar un reparto homoxéneo da fracción de control ao longo do 2020, as partidas obxecto da vixilancia serán seleccionadas segundo o seguinte sistema:

- O Servizo de Seguridade Alimentaria da CS distribuirá entre os matadoiros de porcino o número de controis aleatorios a realizar por cada un. A distribución do número de controis por matadoiro terá en conta o volume de sacrificio anual de cada un, así coma outros factores que considere o citado Servizo.
- Unha vez realizado o reparto, os Servizos Veterinarios Oficiais dependentes da CS realizarán un control aleatorio ao mes ata acadar a cifra que lles foi asignada, actuando sobre o primeiro lote de porcino de cada mes que chegue ao matadoiro e se corresponda cunha explotación non incluída na mostra dirixida ou non controlada anteriormente no actual programa.

6. TAMAÑO DA MOSTRA DE CONTROL

O número de animais a controlar en cada actuación de control será unha mostraxe representativa segundo o número de animais implicados no movemento de acordo coa seguinte táboa:

Nº de animais da partida	MOSTRA A Nº inicial de animais a controlar	MOSTRA B Nº de animais a controlar se co tamaño de mostra A detéctase algún animal mal identificado
Ata 25	Todos	Todos
26-29	26	Todos
30-37	31	Todos
38-46	35	Todos
47-55	35	Todos
56-60	35	54
61-70	40	61
71-80	42	69
81-90	43	76
91-100	45	83
101-120	46	96
121-150	47	113
151-300	54	140
>300	59	200





O número de animais seleccionados inicialmente será o indicado na columna “mostra A”. Se esta primeira mostraxe revela algún incumprimento, o número de animais a controlar pasará a ser o indicado na columna “mostra B”.

Os animais obxecto da mostraxe deberán elixirse de forma aleatoria dentro da partida.

7. ACTUACIÓNS DE CONTROL EN MATADOIRO

As actuacións de control levaranse a cabo nos matadoiros, preferentemente nos currais de descanso.

O Servizo de Sanidade Animal achegará ao Servizo de Seguridade Alimentaria da CS a relación inicial das explotacións seleccionadas, de forma dirixida segundo o indicado no punto 5.1., así como as indicacións descritas no punto 5.2. en relación ao sistema de selección aleatoria de explotacións sobre as que se realizará o control.

A medida que se vaian realizando os controis, durante o período de execución do programa, intercambiarase a información das actuacións entre os dous servizos, de maneira que o rexistro das actuacións se manteñan permanentemente actualizados e a disposición de ambos servizos.

7.1 ACTA DE CONTROL

En cada actuación de control, os servizos veterinarios oficiais da Consellería de Sanidade adscritos ao matadoiro cubrirán un **ACTA DE CONTROL** (modelo **Anexo I** deste documento) segundo os seguintes criterios:

INSTRUCCIÓNS PARA A COBERTURA DA ACTA DE CONTROL:

- Datos da explotación de orixe dos animais: código REGA da explotación, localidade e provincia: son os datos que constan na documentación sanitaria de movemento, xeralmente a Guía de Orixe e Sanidade Pecuaria (GOSP) ou Documento de Traslado (Autoguí).
- Datos da persoa que presencie o control, cubrirase co nome e apelidos e NIF da persoa presente no momento do control, ben sexa o titular da explotación de orixe, ou o transportista ou ben un representante do matadoiro. Esta será a persoa que asine no apartado final (comparecente).
- Datos de identificación do controlador: anotarase o nome e apelidos e NIF do veterinario oficial actuante.
- No apartado resultados do control:





- **Total porcos implicados no movemento:** os que constan na GOSP.
- **Nº de animais que forman parte da mostra:** o número de animais controlados de acordo coa táboa de mostraxe que se xunta a continuación.
- **Nº porcos non identificados:** os que carezan de calquera marca identificativa.
- **Nº porcos nos que non se le a identificación:** os que estando identificados, non sexa posible a lectura do código de explotación.
- **Nº porcos cunha identificación non acorde coa normativa:** os que están identificados pero presentan ou ben marcas distintas ao crotal auricular ou tatuaxe ou ben os que presenten codificacións incorrectas.
- **Total porcos con infraccións:** o sumatorio dos puntos 1, 2 e 3 da acta de control
- **Nº discrepancias en nº animais da guía e o nº real que se move:** indicar en número a diferenza no caso de que exista.
- **Infraccións:** no caso de incidencias en materia de identificación anotarase que os feitos se comunican aos servizos veterinarios oficiais da Consellería do Medio Rural. A estes efectos, considérase como porcentaxe relevante de incidencia cando existan incidencias en máis dun 10% de animais da partida.

IMPORTANTE: sempre que non haxa ningún animal con incidencias, deberá poñerse "0" nos puntos 1 ao 5, non debendo quedar en branco estes apartados.

7.2 ACTA DE INSPECCIÓN

No caso de **detección de incidencias relevantes**, segundo o apartado anterior, os Servizos Veterinarios Oficiais do matadoiro da CS **levantarán acta de inspección normalizada** na que se indicarán claramente todas as irregularidades detectadas, que deberá ser remitida, á maior brevidade posible, xunto coa acta de control (Anexo I), ao Servizo de Sanidade Animal da Subdirección Xeral de Gandaría da CMR, por si procederan actuacións sancionadoras así como para a realización do informe sectorial de condicionalidade.

Estas actuacións serán realizadas sen prexuízo da decisión que tomen os Servizos Veterinarios Oficiais do matadoiro en relación co sacrificio dos animais e a súa aptitude para o consumo humano.

8. RESULTADOS DO PLAN DE CONTROL E FLUXO DE INFORMACIÓN

Dada a necesidade de coordinación entre o Servizo de Sanidade Animal e o Servizo de Seguridade Alimentaria, elaborárase un arquivo Excel coa relación de explotacións da mostra seleccionadas de forma dirixida, e onde se irán incluíndo as actuacións sobre estes controis, así coma os controis aleatorios realizados, de maneira que se manteña





permanentemente actualizado a medida que se vaia executando o programa e os servizos veterinarios da CS coñezan os controis que xa están realizados evitando así duplicidades.

Establécese a seguinte sistemática no fluxo de información:

- **Entrega das actas de control:**

As copias das actas de cada control realizado polos Servizos Veterinarios Oficiais dos matadoiros remitiranse ao Servizo de Sanidade Animal da Subdirección Xeral de Gandaría da CMR, a medida que se vaian realizando e polo menos **unha vez ao mes** con fin de proceder ao seu tratamento informático.

Estas copias poderán facerse chegar ou directamente dende os propios matadoiros ao Servizo de Sanidade Animal, ou ben a través do Servizo de Seguridade Alimentaria da CS.

A comunicación ao Servizo de Sanidade Animal realizarase a través do seguinte enderezo electrónico:

monogastricos-sscc.cmr@xunta.gal

- **Entrega das actas de inspección normalizadas:**

Cando **se detecten incidencias relevantes** nas actas de control (incidencias na identificación en máis dun 10% de animais da partida), remitiranse ao Servizo de Sanidade Animal as **actas de inspección normalizadas** levantadas polos Servizos Veterinarios Oficiais do matadoiro, e máis as **actas de control** (Anexo I) **á maior brevidade posible**, co fin de que esta información sexa trasladada de inmediato aos Servizos Provinciais de Gandaría, onde se realizarán as seguintes actuacións:

- Traslado aos servizos xurídicos da Xefatura Territorial da CMR, no caso de que proceda o inicio dun procedemento sancionador.
- Tramitación que corresponda co fin de dar cumprimento aos aspectos de condicionalidade descritos no punto 10 deste programa.

En cada Servizo Provincial de Gandería levarase un arquivo con estes casos notificados e as actuacións correspondentes que procederan, co fin de realizar o posterior seguimento de corrección das incidencias e/ou do expediente sancionador se fora o caso.

Unha vez rematado o programa os SPG informarán destas actuacións ao Servizo de Sanidade Animal para a elaboración do informe de resultados finais.

O Servizo de Sanidade Animal informará así mesmo dos resultados finais de control aos respectivos **Servizos Provinciais de Gandaría**.





9. GRAVACIÓN DO RESULTADO DOS CONTROIS

O resultado dos controis debe ser obxecto de tratamento informático de acordo co modelo de datos acordado polo MAPA. A gravación realizarase a través da aplicación web:

http://programasnet.magrama.es/WS_SITRAN/inspeccionesCerdosWS.aspx

Esta gravación levarase a cabo polo Servizo de Sanidade Animal unha vez recibidas todas as copias das actas remitidas polo Servizo de Seguridade Alimentaria da CS.

10. COMUNICACIÓN DE INCUMPRIMENTOS NAS INSPECCIÓN DO SISTEMA DE IDENTIFICACIÓN E REXISTRO DOS PORCINOS AOS EFECTOS DE CONDICIONALIDADE

Aos efectos de aplicación da lexislación comunitaria en materia de réximes de axuda directa no marco da Política Agrícola Común e para a aplicación da condicionalidade, os incumprimentos detectados nos controis deben ser comunicados ao organismo pagador das axudas.

Neste senso, hai que ter en conta que os controis de identificación obxecto deste programa son realizados nos matadoiros por persoal da Consellería de Sanidade e na maioría dos casos o control non é realizado en presenza do titular da explotación.

Polo tanto, cando se remitan aos Servizos Provinciais de Gandaría as actas de inspección realizadas polos Servizos Veterinarios Oficiais do matadoiro indicando a detección de incumprimentos relevantes na identificación porcina, dende estes Servizos Provinciais procederase a remitir esta información á OAC correspondente co obxecto da **realización dunha inspección de identificación e rexistro e o levantamento da acta correspondente**. Esta actuación realizarase ben **na propia oficina** ou ben **na explotación**. No caso de facerse na OAC, requirirase a presenza do titular xunto cos documentos necesarios para a realización da inspección. En ámbolos dous casos:

Comprobaranse os requisitos legais de identificación e rexistro establecidos na lexislación vixente, a Directiva 2008/71/CE do Consello, de 15 de xullo de 2008, relativa á identificación e ao rexistro dos porcos (Real Decreto 205/1996), que son considerados requisitos de control en condicionalidade:

1.-O gandeiro está rexistrado en REGA de forma correcta como titular de explotación porcina debidamente clasificada.

2.-O libro ou rexistros da explotación están correctamente cubertos e os datos son acordes cos animais presentes na explotación (se a inspección é in situ) e consérvanse, polo menos, durante polo menos 3 anos.

3.- O gandeiro conserva a documentación relativa a orixe, identificación e destino dos animais que posuía, transportara, comercializara ou sacrificara.





4.- **Os animais están identificados** segundo establece a normativa: este punto xa foi verificado no control en matadoiro, polo que na acta comunicaranse ao titular as irregularidades de identificación detectadas no matadoiro reflectidas na acta de inspección dos servizos veterinarios de saúde pública. Así mesmo, a efectos da posterior valoración da gravidade do incumprimento, indicárase na acta o censo total de animais da explotación rexistrado no libro de explotación na data de saída da partida de animais que foi controlada no matadoiro.

Na acta levantada, incluírase a seguinte lenda: **Acta de control válida aos efectos da condicionalidade para a aplicación, no seu caso, das correspondentes reducións ou exclusións dos pagos previstos no Regulamento (UE) 1306/2013, do Parlamento e do Consello, de 17 de decembro de 2013, sobre a financiación, xestión e seguimento da Política Agrícola Común.**

Esta acta gravarase na aplicación de gandería *Inspeccións e Indemnizacións INGAN* co epígrafe “**IIIR06: I. Explotación I&R Porcino**”² e será enviada aos Servizos Provinciais de Gandaría onde o/a coordinador/a de condicionalidade correspondente elaborará o informe sectorial de condicionalidade, segundo o modelo do **ANEXO II** ou o modelo que establezan dende a unidade responsable da condicionalidade para o presente ano.

Neste informe, os puntos 54-55-56 cubriranse segundo a información da acta de inspección realizada sobre a explotación. O punto 57 cubrirase en base a acta de inspección realizada no matadoiro polos servizos veterinarios oficiais da Consellería de Sanidade, indicando “S” en “Verificado en control” e especificando en “observacións” **“Requisito controlado no matadoiro....., de acordo co Programa de Control de Identificación e Rexistro do Gando Porcino”.**

Nota: Os informes de incumprimentos a efectos de condicionalidade deberán elaborarse nos Servizos de Gandaría correspondentes, no prazo **dun mes** tras a realización do control en matadoiro, e serán remitidos inmediatamente, e a medida que se vaian confeccionando, ao Servizo de Sanidade Animal, para a súa remisión urxente ao FOGGA.

Santiago, 20 de abril de 2020

Servizo de Sanidade Animal

² Antigo epígrafe “ICS48: I. Identificación porcino” do Sistema Integrado





XUNTA DE GALICIA

CONSELLERÍA DO MEDIO RURAL
Dirección Xeral de Gandaría, Agricultura
e Industrias Agroalimentarias

Edificio Administrativo San Caetano
15781 Santiago de Compostela
<http://mediorural.xunta.es>



ANEXO I

ACTA DE CONTROL DE IDENTIFICACIÓN E REXISTRO DO GANDO PORCINO



Anexo I ACTA DE CONTROL

Código da Explotación de orixe dos animais													Localidade	Provincia
E	S													

Persoa que presencie o control (nome e apelidos) (titular da explotación de orixe, transportista, representante do matadoiro)	CIF ou NIF
Identificación da persoa controladora (nome e apelidos)	NIF

Nome do matadoiro onde se realiza o control			
Data na que se realiza o control	Día	Mes	Ano
			2020

Resultados do control	
Total de porcos implicados no movemento	
Número de animais que forman parte da mostra (segundo táboa de fracción de mostra)	
1. Nº porcos non identificados	
2. Nº porcos nos que non se le a identificación	
3. Nº porcos cunha identificación non acorde coa normativa	
4. Total de porcos con infraccións (suma dos puntos 1, 2 e 3)	
5. Nº discrepancias no número de animais do documento e o número real de animais que se move	

Infraccións

--

Alegacións que desexa formular a persoa interesada

--

A persoa inspectora,	A persoa comparecente,
Asdo.:	Asdo.:



XUNTA DE GALICIA

CONSELLERÍA DO MEDIO RURAL
Dirección Xeral de Gandaría, Agricultura
e Industrias Agroalimentarias

Edificio Administrativo San Caetano
15781 Santiago de Compostela
<http://mediorural.xunta.es>

galicia

ANEXO II

INFORME SECTORIAL DE IDENTIFICACIÓN E REXISTRO DE PORCINO A EFECTOS DE CONDICIONALIDADE

INFORME DE RESULTADO DE INSPECCIÓN SECTORIAL DE IDENTIFICACIÓN E REXISTRO DOS PORCINOS A EFECTOS DE CONDICIONALIDADE. ANO 2020

INFORMACION DA EXPLOTACION NIF/NIE do persoal titular da explotación: Apelidos, Nome ou Razón social: REGA:		AUTORIDADE DE CONTROL: SUBDIRECCION XERAL DE GANDERÍA Control: ☐ Mostra Riscos (dirixida) ☐ Mostra Aleatoria ☐ Outros Acta de inspección Nº: Data do control (dd/mm/aaaa): Identificación persoas que realizan o control: NIF: Apelidos: Nome: NIF: Apelidos: Nome:	
Persoa comparecente: NIF: Apelidos: Nome: Asina (si/non): Data sinatura: Causa non asina: Facilita o control (si/non): Motivo polo que non facilita:			

SAUDE PUBLICA E ZOOSANIDADE														
REQUISITOS		Verificado en control S/N	Cumpre S/N	RESULTADOS NO CASO DE INCUMPRIMENTO DAS NORMAS								Alerta rápida	Repetido	Observacións
				GRAVIDADE			ALCANCE		PERSISTENCIA					
				Leve	Grave	Mot grave	Na Explot	Fóra Explot	< 1 ano	> 1 ano/ Efectos emendables	Efectos non emendables			
REQUISITO LEGAL DE XESTION 6. PORCINO. DIRECTIVA 2008/71/CE do Consello, de 15 de xullo de 2008 relativa a identificación e ao rexistro de porcos.														
Artigo 3 da Directiva 2008/71/CE.														
54	O agricultor está rexistrado en REGA de forma correcta como titular de explotación porcina debidamente clasificada													
Artigo 4 da Directiva 2008/71/CE.														
55	O libro ou rexistros da explotación están correctamente cumprimentados e os datos son acordes cos animais presentes na explotación e consérvanse, polo menos, durante 3 anos.													
56	O gandeiro conserva a documentación relativa a orixe, identificación e destino dos animais que posuira, transportara, comercializara ou sacrificara.													
Artigo 5 da Directiva 2008/71/CE.														
57	Os animais están identificados segundo establece a normativa.													

Outras observacións:

O/A xefe/a do Servizo de Gandería de.....
 Asinado dixitalmente